

籌辦夷務始末

籌辦夷務始末卷之十三

咸豐六年丙辰三月甲子伊犁將軍扎拉芬泰等奏前因塔城民匪滋事於上年九月間將辦理不善之薩碧屯等參處並令哈布齊賢等前往查辦緝犯驗骨各項事宜仰承

聖諭均著照所擬辦理隨督飭委員催提各犯而塔城距伊較遠至十二月間始據將原告徐添義等十名解到督同委員細心研鞫據徐添義安玉賢均供因挾偷挖金砂被俄夷告官驅逐並薩碧屯枷責之嫌安玉賢起意放大燒燬夷園貨物徐添義起意將薩碧屯誣控並懷疑妄訴各情俱

不諱馬隆興供認聽從放火馬占彪康得祿何騰蛟供稱
知情馬文棟實係馬榮頂替王宗浩係李春雲頂替李伏
有係張明頂替馬榮供未同行李春雲張明均供搶有貨
物並據塔城將夥獲之楊春曾士有布音錫郭長繼劉榮
升五名及庫爾喀喇烏蘇夥獲之田文元王伏李喜王考
娃子四名先後解到楊春等訊明係次日火滅後檢拾殘
物被獲田文元供認搶貨屬實王伏李喜王考娃子供稱
並未在場復據安玉賢等供稱馬文棟王宗浩李伏有皆
係放火從犯並有馬大漢劉火頭蘇沙兒馬受劉金孝海
生達等現均吞拏尚未到案正在解理間奉到十二月十

一日

上諭復派員提犯研訊。各供前情無異。查雅爾噶圖金廠前於咸豐三年六月間。經前任塔爾巴哈台參贊大臣豐紳泰請試開。嗣因金苗不旺。出示停撤。該金夫等仍時往偷挖。經俄吏告知。派官兵前往驅逐數次。五年五月間。該金夫等糾聚多人在薩碧屯署中滋鬧。薩碧屯將徐添義、安玉賢等。執責釋放。該金夫等遂倡言要放火燒燬夷園貨物。安玉賢與馬隆興、楊興瑞。旋以俄吏搶斃民命五名。燬斃六名之詞。先後呈控。六月十八日。徐添義在卡外找出不全枯骨二具。稱係該夷所害。該城以並無指證。未准相驗。七

月初十日。安玉賢。即糾約馬興隆等。放火燒燬夷園貨物。
洩忿。十四日二更時分。安玉賢等。同至王姓水磨地方會
齊。四更時分。安玉賢等。前赴夷園。首用華子點燒該夷革
堆。馬隆興等。亦各將火把點放。夷人驚起。即行奔逃。延燒
幾盡。有匪徒乘機搶掠夷貨。次日塔城官奉長事奔逃。匪
徒將夷貨夫帶出境。此民匪當日焚劫該夷情形也。現在
查點燒燬貨物。統計該城檢獲。又安集延之件。及委員查
出之件。約值三萬餘兩。已一併存庫。應俟該夷來時。點清
交付。其燒燬及搶去貨物。應於各犯中追賠。至民回等。呈
告俄夷殺傷民人一節。查楊興瑞。於四年冬間。控稱該夷

燒死民人六名。安玉賢。馬興隆。於五年五月。控稱該夷槍
斃民人五名。均經該城委員查驗。並無蹤跡。六月間。徐添
義。貢出。不全枯骨二具。八月。又貢來。不全頭骨一具。經該
朱賢。併同驗明。均無傷痕。奏明在案。而徐添義等。哢哢置
辯。稱係相驗不實。據委員哈布齊賢等。覆行檢驗。據仵作
劉呈吉等。驗報。不全枯骨二具。內一具。顙門等處。有鐵器
傷。肋骨有金刀傷。一具。左脰左腰。有鐵器傷。餘骨均各無
存。又據劉呈吉供稱。脰骨脰骨。均非致命要害。其不全顙
骨一具。據驗報稱。顙顙係青黑色。左右腿脰骨。有鐵器傷。
並無烟燻形跡。均與原控不符。今徐添義所拾不全枯骨。

三具原控指係民人黃保子郭登子溫老五三人尸骨。及至提訊。徐添堯又供稱。誤聽旁言。委實不知何人骨髓。質之眾犯。亦均不能指證。復訪員向徐添堯審問。復稱前因黃保子等三人。日久查無下落。是以疑係俄夷殺傷。至不全枯骨。委實不知何人骨髓等語。黃保子等。果被俄夷殺傷。徐添堯並未目擊。又豈能於荒山叢骨內。遽行辨認。且所驗鐵器等傷。亦與原控燠斃槍轟等傷不符。應將該件作劉呈吉等提傳來供。質訊明確。以成信據。至徐添堯等呈控薩碧屯通夷害民各款。均無實據。訊與該參贊前次奏覆之語。大畧相同。又查該夷從前會議通商時。論及如

有殺傷民命情事。請帶回本國治罪。堅執不肯擬抵。是以
前經奏明。此後中國與俄夷遇有重案。亦就近在伊犁訊
明定案。後將犯解往陝甘總督衙門。聽候部覆辦理。今民
匪燒搶。俄夷於大起後奔逃。至今未返。四次行文。令其派
人前來會商。上年十二月間。始據回稱。本處斷不能照來
咨辦理等語。此案夷人難以傳質。止可就此供情定擬。故
大故燒夷園。審係安玉賢為首。挾嫌誣控。審係徐添義為
首。均應照例從重問擬。其乘機搶掠之犯。照奏定章程。解
往陝甘聽候部覆。已革候補防禦薩碧屯。辦理不善。與已
革筆帖式阿彌善。前往塔城。將夷房等項設法妥辦。以贖

前○愆○救○大○不○力○之○都○司○文○哲○琛○等○先○行○撤○任○審○究○餘○俟○訊○
明○擬○結○委○員○哈○布○齊○賢○等○俟○夷○人○有○前○來○信○息○隨○同○辦○理○
事○宜○文○景○一○員○尚○有○該○管○地○方○事○務○應○飭○先○行○回○任○

硃批知道了

已○已○兩○江○總○督○怡○良○江○蘇○巡○撫○吉○爾○杭○阿○奏○接○據○護○蘇○松○
太○道○蓋○蔚○雲○等○據○英○夷○司○稅○啤○喇○咽○呈○稱○新○製○小○火○輪○礮○
船○屢○經○攻○下○俄○囉○斯○礮○臺○城○垣○著○有○成○效○現○在○中○國○各○處○
肆○擾○正○宜○買○此○輪○船○數○隻○掃○除○狂○寇○如○肯○允○行○該○夷○願○立○
軍○令○狀○效○力○戎○行○並○將○其○船○堅○礮○利○與○俄○囉○斯○爭○關○獲○勝○
情○形○繪○圖○九○紙○註○明○夷○字○彙○呈○前○來○臣○等○查○前○據○該○夷○面○

事蓋詳雲。各國條約章程。必求更改。否則恐致生事等情。
業經臣等奏蒙

聖鑒在案。今該夷因臣等正言拒絕。復以助順勒逆為詞。誇張其
船堅礮利。且有船身輕靈。礮火精妙。即至淺至窄之處。亦
可駛到之語。其意全係虛詞。恫喝情形。實屬巨測。臣等以
鎮江等處。非該夷人船應到之地。中國兵力。足制逆賊。死
命。毋庸借資夷力。批飭傳知遵照。並密飭該護道。隨機駕
馭。潛消其桀驁之心。遇有可疑之處。即隨時馳報。但夷情
詭譎。言必有因。細按其至淺至窄四字。竟將任其所之。能
否即行馴服。臣等實未敢深信。

硃批○近有廷寄○詢問汝等○能否雇用夷船○實與此事無涉○惟該夷既有此呈○前事更應斟酌○勿墮其術中○據杜惠琳○

庚午○庫倫辦事大臣德勒克多爾濟等奏○茲據俄夷文稱○請嚴禁華商與夷商越邊貿易○並令夷兵會同我兵入卡巡防等語○擬即咨駁○嗣後嚴禁越邊貿易等事○應令兩國卡兵○各按境界巡防○以肅邊疆○不得令俄國進兵入卡○硃批○覽○所辦甚是○

丁丑○兩江總督怡良○江蘇巡撫吉爾杭阿奏○據護蘇松太道蓋蔚雯稟○據英夷哮喘囑呈稱○福州關稅偷漏甚多○有商船一隻○裝茶葉出口○照例約該完稅銀二萬五千兩○該

船僅完稅銀一千七百兩。又福州自設關以來徵收茶稅
每擔一兩五錢。或一兩。或不及一兩。較上海之每擔按照
稅則徵銀二兩五錢者。大有區別。又甯波關毫不稽查。全
無稅則。運米出洋。亦不阻止。以致上海商情不服。見利息
遠。數月以來。上海進口各船。皆係空出。前赴甯波裝米。及
一切貨物。上海關稅必致立形短絀。議請檢查上海上年
裝茶底帳。按數扣還。每擔五錢。留抵以後各稅。否則儘三
箇月。暫准仿照福州關茶稅。每擔酌減五錢。俾得抵補上
年之虧。以昭平允。免生事端。雖經該護道嚴詞駁飭。而本
年正二兩月。所收茶稅。已形短少。稟請飛咨閩浙二省。嚴

行查辦等情。等查夷情詭譎。善於蹈人之瑕。藉口扶制。而其所言。又必非無因。今福州關如果短價招徠。任聽偷漏。甯波關於貨物未糧出洋。毫無稽查。該夷惟利是視。勢必舍上海而往甯波。福州則上海開稅。立即短絀。甯波福州。加增無幾。全局皆為掣動。通墮該夷減稅之計。且我馭夷之法。不過責其恪守成約。若竟自破藩籬。彼更有詞可藉。尋釁生事。實在意中。而其運米出洋。更屬有干例禁。相應請

旨飭下福州將軍。閩浙總督。浙江巡撫。嚴查偷漏短稅。責令按照稅則。畫一徵收。並跟查將米賣給夷船之人。嚴行究辦。庶

五口不致辦理參差。更稅不致日形短絀。

諭軍機大臣等。怡良。吉爾杭阿奏。喫夷呈稱。福州商船一隻。裝茶出口。僅完稅銀一千七百兩。自設關以來。徵收茶稅。每擔一兩五錢。或不及一兩。較之上海。大有區別。又甯波關毫不稽查。全無稅則。運米出洋。亦不阻止。數月以來。上海各船。皆係空出。關稅必致短絀。請檢查上年底帳。按數扣還。留抵各稅。否則暫准仿照福州關茶稅酌減等語。各口關稅。自應畫一徵收。如果福州關短價招徠。任聽偷漏。甯波關於米糧貨物出洋。漫無稽查。不但上海關稅立見短絀。且恐墮該夷減稅之計。況運米出洋。尤干例禁。著有屢王懿德。何桂清。嚴密稽查。各該省徵收關稅。

是否有偷漏等弊。與上海關稅何以互相參差。糧米出洋何以不行禁止。夷情詭譎。亦難保非藉詞吞釐。該將軍督撫等務即按照所奏各情。詳細查明。據實具奏。原片著鈔給閱看。

癸未。庫倫辦事大臣德勒克多爾濟等奏。據俄使文稱。春融時。派兵前赴松花江下游等處。請由理藩院及黑龍江吉林將軍。作連行文俄國。阻止夷官。不得帶兵侵占地界。並請令各該將軍等。嚴飭官兵。於各要隘不時巡查。預為防範。

諭軍機大臣等。據德勒克多爾濟等奏。請飭理藩院迅速咨覆俄羅斯薩納特衙門。並懇行知黑龍江等處將軍。暗為防範一摺。

當經降旨令吉林黑龍江將軍等仍遵前旨妥為辦理矣。因思此時若由理藩院咨復俄囉斯薩納特衙門與爾三人從前所行之人不合。轉致該夷疑貳。務須暗為留心防範。斷不可另生事端。

又

諭德勒克多爾濟等奏。接據俄夷來文一摺。俄囉斯借分界為名。欲將黑龍江松花江左岸。以及海口。均分給伊國守護。屢次諭令奕格。景瀉等會同勘定。以杜要求。嗣據該將軍等奏稱。該夷阻冰登陸。已由陸路回國。雖經過江面。尚無滋擾情事。而聲言明年仍有船隻前來。不可不加防範。現在春暖冰融。將及夏令。

該夷勢必復求要約。景瀋前次奏報。頗能洞悉夷情。奕山赴任以後。於一切情形。想已預為籌畫。著該將軍等。遵照前旨。遇有俄夷船隻。駛至該處地面時。務須暗為設防。隨機應付。勿令激生事端。是為至要。

五月癸亥。黑龍江將軍奕山。吉林將軍景瀋。齊齊哈爾副都統那敦德。奏。兩省會辦夷務。均期防撫兼施。與景瀋晤面商計。奉融在通。俄夷必將復來。遂即揀派吉林協領富呢揚阿等。先赴齊齊哈爾城。與呼倫貝爾總管吉拉明阿等。專辦防撫事宜。並以黑龍江地當緊要。飭調該員等。往幫辦副都統魁福。經理一切。設該夷復至。果有要約。務須善

為駕馭勿啟釁端。仍飭所屬各兵防守諸處要隘。督責委員及守邊各官。用心照辦。總須隨機應付。以期勿激事端。硃批知道了。

壬午黑龍江將軍奕山。吉林將軍景瀉等奏。據黑龍江副都統報。四月二十七日。有俄羅斯大船一隻。小船二隻。駛至烏魯蘇江面。投遞文稱。今夏伊等仍由黑龍松花兩江行走。已咨報理藩院。旋據續報。俄夷復有船隻駛至。當即與之接見。禮貌尚謙。據稱。伊國因與英夷有事故。仍由此來往。並在雅克城以上五處存糧。派員經理。隨後尚有多船。亦由此下往等語。言畢回船。分起開行等情。復據該委

員報稱該夷是否與英咭喇有事。我處無由查知。而所指屯糧地面五處內。惟精奇里河已有夷人掘地作房屯放糧石。其餘尚未報到。擬俟木苗到時。向其和商。五處屯糧尚可從權。不宜再有浮占。聲請裁奪等情前來。竊伏思夷情叵測。上年人船無多。已堪顧慮。今歲紛至沓來。且有留兵屯糧之舉。尤不可不陽撫陰防。勉如所擬籌辦。仍各飭所屬嚴守要隘。以備不虞。

硃批。另有旨。所籌辦法。操縱合宜。

諭軍機大臣等。奕山。景瀉等奏。俄夷復由水路下駛。現在籌辦情形一摺。該夷沿途留有人船。寄存糧石。雖稱接濟伊國往來口

糧而不候允許。通行占地建房。其心終屬巨測。現在該夷既無
僭倖之跡。內地又無阻止之法。該將軍等所稱陽撫陰防。及俟
木里雙岳幅到時。正言向商之處。均尚操縱合宜。著即照所議
辦理。惟防備之法。固不可稍示張皇。亦不可遽涉大意。仍當隨
事相機。善為駕馭。使目前勿啟釁端。而日後亦不致漫無限制。
方為妥善。至該夷屯糧地方。尤當曉諭居民。禁止與該夷往來
交易。以防勾結。而杜生事。此後夷船續來情形。若何。著隨時具
奏。

癸未福州將軍有鳳。閩浙總督王銘德奏。臣等疊准英咭
刺國夷商。吧咭照會。以上海地方。已設立司稅官。代為稽

查稅務並代徵稅銀於事甚為有益請福州關口照依辦理臣等以事屬創始且各口關務向歸福州將軍衙門兼管各有專司豈可聽其添設嗣因屢次請求不得已將請立司稅官一節咨商兩廣督臣葉名琛就近與該夷商熟商妥為諭止至今尚未接准兩廣督臣咨覆第思關稅一事既歸臣將軍衙門兼管此時若聽其添設司稅官夷情巨測利之所在難免不生覬覦况該夷議請設官而又不歸臣等管束來去聽其自如作偽不能過問即所用之夷人亦不容臣等查察設或滋生事端咨將誰護該夷此番提及福州關口有減稅偷漏情事未嘗不因臣等阻之至

再飾詞扶轡。但未知上海從前如何設立。此時欲令福州仿照而行。臣等斷不敢輕許。致紊關政。

硃批。俟葉名琛咨覆到日。再行酌量情形具奏。是時斷難允行。

六月丁未。

欽差大臣兩廣總督葉名琛奏。竊味佛各國夷酋。前赴天津。意欲重訂條約。

特派大員。飭令回粵。迨各夷酋回粵後。現經一載有餘。並無他說。惟味國公使味達。回國後。上年冬間。更換咆喝來粵。該酋本係味國醫士。前在粵已有二十年。素稱狡黠。咸豐四年。粵匪倡亂時。該酋與各匪酋。密相往來。並於各夷商揚言。

粵匪必能成事。迨至官兵將各匪一律蕩平。該首頗覺無
顏。即於上年夏間自行回國。詎意味逆。因病回國後。該國
王因彼在粵年久。復遣其來粵。接辦公使事務。咱首終心
懷忿忿。必欲別出己見。掩人恥笑。旋接據照會內稱。現查
條約章程第三十四條義。俟十二年後。兩國派員公平酌
辦。今計至本年六月初二日期滿。特據照知。望早代奏。現
欲進行各港。六月初旬前後。便可啟程赴京等語。又據英
國公使咆吟照會內稱。前在澳門與味國會議立約。第三
十四條文內。應俟十二年後。方得將條約來訂酌辦等語。
查曩年限。於本年六月初二日。適屆期滿。又英國善後條

約第八款亦聲敘及各國重得新施亦准本國民人一體
皆同合請早為具情人奏等語又據佛國公使顧思照會
內稱現據英法德奧意各國來文言前與中國議立章程今應彼
此將章程校訂英法德奧意各國與本國友誼雖殷其在中國辦
理事件與本國意見亦無不相合查訂本國條約第三十
五款章程內載中國將來如有

特恩曠典別國得之本國亦與焉等語臣查咸豐四年秋間英法
佛三國先後俱赴天津意欲重訂條約皆英首咆吟為之
唆使此次復生異議似又味首咆吟遇事生風現在咆罵
既有前赴天津之意現已力為阻止其英佛兩國尚無此

說惟怕嘴性多詭詐。誠恐復入煽惑。叱咤顧思。復同北上。惟思各夷犬羊之性。貪得無厭。何有窮期。溯查各國定條約時。本先後不同。嘆夷條道光十九年九月。先在江南初訂一次。二十三年。復在虎門。又為善後一次。其中皆無十二年後重訂條約之議。祇二十四年五月。味夷條約第三十四條內載。至各口情形不一。所有貿易及海面各款。恐不無稍有變通之處。應俟十二年後。兩國派員公平酌辦等語。又道光二十五年七月。味夷條約第三十五條內載。日後若有應行更易章程條款之處。當就互換章程年月。最計滿十二年之數。方可與中國再行籌議。惟中國將來

如有

持恩曠典。優免保佑。別國得之。佛喃哂亦與焉等語。是當年咪佛兩國定條約之時。內載十二年後一節。已在暎夷大定之後。何以並不畫一辦理。轉在該兩國條約內。故留此不了之局。使各國後來得以藉口。即如道光三十年夏間。暎夷咬翰遣酋來赴天津。咸豐四年秋間。暎咪佛等國夷酋各赴天津。兩次皆仰蒙

聖主乾綱獨斷。雖照靡遺。仍令回粵聽候查辦。計自七載以來。各海疆俱尚稱教靖。但恐此無所應。彼或可求。妄生希冀之心。嗣後該夷酋無論行抵何省。如有呈懇求代為陳奏之

件。總令其回粵。聽候查辦。臣自當恪遵臺次。

訓示。堅持定約。俾得隨時駕馭。設法箱制。庶可消患於未萌也。

諭軍機大臣等。葉名琛奏。嘆味佛各國請重訂條約。現已設法開導。阻止一摺。據稱。味夷。叩。照會。內稱。條約章程第三十四條載。十二年後。兩國派員酌辦。本年六月期滿。請代奏。嘆味佛。叩。佛夷。顧。思。亦先後照會等語。前年該國夷酋。駛至天津。呈出祈請各條。率多謬妄。照崇。給。等。正言斥駁。礙難入奏。其中惟上海欠稅。非從前所及。料廣東茶稅。係隨後增加。民夷相爭之案。本為條約所載。恐現在辦理不善。尤其查辦。當經諭令。葉名琛。怡良等。酌量辦理。現在該夷酋等。又以十二年屆期。懇請代奏。味

苗怕噶。並有起程赴京之語。雖經葉名琛力為阻止。但恐怕噶
從中煽惑。約同咆哮。顧思等復行北駛。不可不防。各夷議定條
約。雖有十二年後。公平酌辦之說。原恐日久情形不一。不過稍
有變通。其大段斷無更改。故有萬年和約之稱。況前年到津。業
已加恩酌免關稅等項。天朝懷柔遠人之意。不可謂不厚。若再
藉詞曉讀。斷難允准。葉名琛惟當據理開導。絕其覬覦之心。如
其堅執十二年查辦之語。該督等亦只可擇其事近情理。無傷
大體者。允其變通一二條。奏明候旨。以示羈縻。若該夷苗等。竟
至上海等口。有妄求代奏之件。著怡良等。諭以兩廣總督為辦
理夷務之欽差大臣。無論何事。總須回粵呈請。兩江督撫不能

代○處○設○有○欲○至○天○津○之○語○並○著○葉○名○琛○等○諭○以○天○津○本○非○通○商○
口○岸○爾○等○前○往○顯○背○條○約○上○次○天○津○所○派○大○臣○已○與○爾○等○言○明○
爾○若○再○至○天○津○斷○不○能○再○派○大○員○與○爾○等○會○晤○如○此○剴○切○曉○諭○
庶○可○杜○其○妄○念○至○咱○噶○在○粵○既○居○心○叵○測○此○時○若○到○上○海○怡○良○
等○務○須○暗○中○防○範○毋○令○勾○通○粵○逆○別○生○事○端○

七○月○丁○巳○黑○龍○江○將○軍○奕○山○吉○林○將○軍○景○瀋○齊○齊○哈○爾○副○
都○統○那○敦○德○奏○據○訪○探○委○員○托○蒙○阿○等○報○稱○五○月○十○四○日○
有○俄○夷○大○船○一○隻○載○人○十○二○名○駛○至○精○奇○里○附○近○之○海○蘭○
泡○地○方○停○泊○詢○據○夷○官○西○勒○盼○薩○虧○聲○稱○此○項○人○船○定○於○
次○日○前○赴○闊○吞○等○處○貿○易○迨○十○五○日○經○巡○哨○官○兵○將○其○管○

船首領拉呢。帶見該副都統等。又稱。此船欲赴海口。與
其上司進送食物。最與西勒勝薩所言相異。查其船載
有烏槍食物口糧。是日即啟程下往。又咨報。五月二十四
日。有俄夷大船一隻。載人七名。烏槍二桿。口糧四袋。稱赴
下江奇吉闊吞等處貿易。五月二十七日。復有夷船四隻。
載人三十七名。據其管船首領衣晚皮葉西巴爾吉業奇
等稱。係署固畢爾那托爾。諭令前赴松花江闊吞。奇吉等
處貿易。隨即啟程下往。又二十八日。有俄夷小船一隻。載
人九名。由江面經過。稱有急事下往。不肯俾留候查。又據
報。六月初二日。經巡哨官兵。帶同是官阿里克散達爾。及

看守糧石之西勒胯薩虧謁見該副都統等。聲稱阿里克散達爾帶領大小船三十九隻。載人八百零六名。前赴海口。內西勒胯薩虧留下人三百名。賊艘二十五面。在看糧處屯扎。言畢。亦即登舟開行。又六月初五日。西勒胯薩虧同夷官呢闊查。壓帶船隻至黑龍江城。謁見副都統魁福等。報呢闊查自本處帶船五十隻。駛抵烏魯蘇木井以下。離船六隻。仍於海蘭泡地方。留船三隻。現僅統帶大小船四十一隻。官十三員。男婦五百六十餘名口。隨帶糧械。前赴海口。經副都統等。照驗開行。西勒胯薩虧仍回原處各等情。伏思該夷人船紛紛下往。雖尚無滋擾情事。而於存

糧處所留兵屯扎。不知其意何居。諄囑副都統魁福及各
委員。不時偵探。妥為防應。並咨劉兩省所屬各要隘。密加
防範。

硃批該夷情形。不過預作通商地步。現在固不可不嚴為之防。尤
不可稍露形色。惟使該夷受我羈縻。不能盡遂所欲。方妥。此批
准汝三人知之。不可宣示。密之。

辛酉閏浙總督王懿德奏。本年六月十一日。接據合眾國
夷使咆囑裨德照會。欲訂期進謁。臣等以各國夷酋。如無
緊要之事。未便私相往來會晤。隨飭管理通商事務之福
州府知府葉永元。前往阻止。據復該夷使實因該國夷去

繕有國書文憑。飭令帶來。求為進呈等情。臣因外國吏情
叵測。若不稍予以禮貌。必致有所藉口。不得已於十四日
辰刻。許其來見。該吏使咱噶禪德。即帶同吏目數人來署。
將所帶正副國書文憑一匣。計共四封上呈。臣以外國遞
書。必須由臣先行拆閱。如無違悖字樣。方准代為進呈。該
吏使先將副本兩件拆開送閱。臣細加查覈。內中尚無違
悖字樣。惟有數處書及朕字。究與體制未合。而該吏使係
奉夷王之諭帶來。不敢更改。人合眾國駐劄中國之大臣。
要在

筆段之下居位。並求

皇上簡派大臣○亦駐劄該國華盛頓城內○臣答以汪洋大海相隔甚遠○彼此均有不便○且

都城內外○均非夷酋駐劄之地○所請恐難准行○並擬將正本國書文憑○一併拆開○該夷以內有該夷主印信在上○渠斷不敢私行代拆○並以內中所敘字句○與副本無異○只求代為恭遞○維時臣若決意要拆○該夷酋必致齟齬○只有遵照萬年和約第三十一款內載○合眾國日後若有呈遞國書於

朝廷者○應由

欽差大臣○或兩廣○閩浙○兩江總督等大臣○將原書代為進呈○臣謹

將該夷使所遞國書恭呈

御覽

諭軍機大臣等。前據葉名琛奏。味酋怕噶與暎佛二國夷酋在粵各遞照會。欲求重訂條約。怕噶並有欲行北上之語。已經葉名琛阻止。猶恐其各處要求。請飭嗣後該酋無論行抵何省。如有懇求代奏之件。總令其回粵查辦。已諭知怡良照議辦理。妥為防範。本日據王懿德奏。味酋呈遞國書。代為呈進。覽其呈遞之件。大意仍在更定條約。其事萬難准行。王懿德接到此件。自應正言拒絕。告以一切夷務。皆廣東辦理。他省不能入奏。令其將原件寄回廣東。一面照鈔密奏。不使該夷知悉。方為得體。前年

該首駁抵上海天津。怡良、崇倫等皆係如此辦理。該首始僥倖帖服。起碇南還。今王懿德既已代為呈遞。惟有設法開導。令其仍回廣東。告以此次雖經入奏。因非閩浙總督應行管理之事。不能據所奏查辦。已將原件發還。若再為陳奏。必致上千重誣。與爾國仍無所益。只有前往廣東聽候辦理。上年爾往天津。皆係徒勞往返。今福州事同一律。即具奏亦難遽允准。該夷狡詐成性。遇事生風。固不可過於峻拒。激成事端。亦豈可一味通融。投之以柄。所有代遞夷書各件。著原匣發還。嗣後不得再為呈遞。發還之後。該夷作何動靜。是否遵諭赴粵。並著速行密奏。

又

諭前據葉名琛奏。是首復請更定條約。並有欲行赴京之語。已諭知該督據理開導。並阻其再至天津。諒該督必能體會此意。斟酌妥辦。乃味首咄囑。駛至福建。呈遞國書。求為轉奏。王懿德即將原件代為進呈。覽其大意。欲遣人住居京師。仍是要求改約之意。萬不能行。惟葉名琛前奏。該夷在廣東。並不提及有國書之事。顯係明知廣東無可覓覷。故不肯在廣東呈遞。又因前年在上海天津計無所施。希冀向福建一為嘗試。其居心叵測。不言可見。本日已將原件發還王懿德。諭令開導該首。仍回廣東。所有譯出之夷書文憑各一件。著鈔錄一分。給葉名琛閱看。俟該夷駛回廣東。即著遵照前旨。妥為曉諭。能堅執定議。無所更

改○固○為○妥○善○即○必○不○得○已○亦○只○可○擇○其○無○礙○大○局○者○酌○量○變○通○
一○二○條○若○違○人○來○京○之○說○則○悖○謬○無○理○諒○某○名○琛○自○能○駁○斥○毋○
俟○再○三○諄○諭○也○

壬○戌○閩○浙○總○督○王○懿○德○福○建○巡○撫○呂○佺○孫○奏○據○喫○咭○喇○夷○
首○咆○吟○照○會○以○海○盜○在○於○五○港○通○商○往○來○洋○面○肆○行○劫○掠○
現○擬○每○年○冬○春○兩○季○由○江○省○吳○淞○派○出○師○船○一○隻○南○駛○沿○
經○甯○波○福○州○廈○門○香○港○黃○埔○等○處○夏○秋○兩○季○由○粵○省○黃○埔○
派○出○師○船○一○隻○沿○經○香○港○廈○門○福○州○甯○波○吳○淞○各○口○飭○令○
該○師○船○凡○有○海○盜○潛○踞○擾○害○商○艘○嚴○行○剿○洗○以○期○肅○清○等○
由○前○來○隨○經○臣○王○懿○德○以○閩○浙○兩○省○水○師○管○轄○各○洋○面○雖○

連閩縣長不無盜匪來攬肆劫。業已檄飭該管鎮將各率舟師常川巡哨。合力截剿。可毋須該夷幫同勦捕。照履遵辦。並分咨浙江江蘇兩江各督撫及水師提臣暨

欽差大臣兩廣督臣等名琛查照一體飭令巡洋舟師實力防範。旋據委員福州府知府葉永元呈准福州英國領事麥華陀申陳以現屆夏令南風盛發閩浙洋面每有廣艇舨舨盜艘乘機竄至勾結土匪現在該首已派有師船一隻駛至五虎口等處巡查並欲求見臣王懿德以此時並無要事相商且各處洋面業已飛咨水師提臣暨飭各鎮將統率舟師分投梭捕足資保護可以不必進謁飭令福州府

知府葉永元照復迅即回粵

硃批知道了

己卯黑龍江將軍奕山吉林將軍景瀉齊齊哈爾副都統
那敦德奏准黑龍江副都統魁福及委員報稱前有俄夷
駕駛木排至達雅爾昂阿及特普康並愛璉色普奇等處
停泊茲該夷將木排折毀堆存江岸於六月十四十五十
八等日陸續折回又報稱有夷人分駕大船各載口糧下
駛經巡哨弁兵將其管船夷官帶見該副都統等向其查
詢稱有急事下任言畢開行並據三姓副都統圖欽轉據
卡官報稱有俄夷分駕船隻木排經過黑河口駛至江左

霍爾托庫地方停泊。現毀木排蓋房四所。七間。又據烏蘇里口卡官報稱。有俄夷來船。裝載口糧。向上回行。又有大小夷船。裝載口糧。牛馬來行。又有夷人來船。向上回行。仍由黑河口前進。並查得霍爾托庫附近之薛爾古一帶。有夷人搭蓋窩棚二所。復有夷船。隨帶槍礮等項。自黑河口下往各等情。前來。當飭各該副都統。分派委員。不時查探。呈報。

諭軍機大臣等。奕山等奏。俄夷人船行止情形一摺。據稱。俄夷前駕木排。停泊達雅爾昂阿等處。現已拆毀。夷人陸續折回。六月二十三日。又有夷人分駕大小船隻。載糧下駛。並於霍爾托庫

地方搭蓋房屋。黑河口烏蘇里口時有夷船來往。薛爾古一帶。又有夷人搭蓋窩棚二所等語。俄夷行止詭譎。此時人船由邊境行走。尚為安靜。固不可輕啟釁端。亦不可漫無限制。該將軍等應如何善為開導。外示羈縻。內加防範。俾狡詭之計無所復施。辦理方為妥善。其下行船隻。究竟駛往何處。亦須偵探明確。隨時具奏。

壬午庫倫辦事大臣德勒克多爾濟等奏。俄首遣使送到。薩納特衙門咨行理藩院文一件。除將原文呈

覽外。並繕寫回文。交該使帶回。照例賞給碑茶等物。

俄囉斯咨文

為咨行事。前因塔爾巴哈台地加焚搶掠國買賣園子一案。由本薩納特衙門。兩次行文貴院。請將拏獲人犯。定擬罪名。並請將我國商人。被奪貨物。燒燬房屋。及竊去官物。賠補。由兩國各派可靠之員。按照和好。將此案會同商辦。擬結等因。聲明在案。貴院照依咨文。於咸豐五年十二月十一日。咨覆本薩納特衙門。以此案業經飭交伊犁將軍。塔爾巴哈台參贊大臣。查覈秉公辦理矣。本衙門接奉來文。諒

貴國必知。若不趕緊辦理。恐有不宜。飭令伊犁將軍等。會同本國委員。謹按友誼辦理矣。是以奏聞。故國君。派委可靠

之員○前往伊犂○擬結此案○並飭該員○

貴國邊界大臣○如果遵守友誼○妥為辦理○自無刁難何則○如
將人犯定罪○焚搶物件賠補○即無絲毫疑忌○惟望貴院轉
飭伊犂將軍○按照此意辦理○並請籌設良法○嗣後塔爾巴
哈台地方○不致再有似此滋事○使兩國人民○永遠和好○不
替也○為此咨行○

癸未○

諭軍機大臣等○尋諭庫倫辦事大臣德勒克多爾濟○昨據進呈之
夷字○朕詳加披閱○係為呈請委員商辦塔爾巴哈台焚燬等事○
惟現拏獲之犯人○罪名尚在未定○已飭伊犂將軍等嚴訊○俟定

擬時再由理藩院行文俄羅斯薩納特衙門俄夷原文暨咨行俄羅斯薩納特衙門文底著一併鈔給閱看。

給俄羅斯咨文。

為咨行事。昨據貴國薩納特衙門文稱塔爾巴哈台焚燒貨圍一案請飭伊犁將軍在彼擬結等語。查此案屢飭伊犁將軍秉公裁辦。現將拏獲滋事各犯嚴訊。尚未擬結。俟審明時。按例定擬。完結定案後。該將軍自必知照貴國總之務盡兩國和好之道。不存絲毫畸重畸輕之見。為此覆咨。

八月丁未黑龍江將軍奕山。吉林將軍景清齊齊哈爾副

都統那敷德奏。黑龍江副都統魁福報稱。本年循例揀派
佐領烏綱阿。率兵馳赴俄夷接界之格爾畢齊等處巡查。
現據回稱。初往時。在霍托瑪地方。見有殘破火輪船一隻。
俄夷百餘人看守。係欲將船修整。駛赴下江。至接壤處所。
察看夷情。俱尚平靜。回抵霍托瑪地方。見夷船尚未補就。
欲挽赴上游。俾放小河。又於海蘭泡。嘎努坎。霍托瑪等處。
有俄夷屯糧堆薪等情。尚有駝騎校富來。落後詳查。又准
三姓副都統圖欽。轉據黑河口卡官報稱。六月三十。七月
初一等日。有俄夷三百餘人。分駕大船一隻。小船二隻。練
木五十五條。載牛一千餘條。初三日。又有八十餘人。隨帶

子如分駕大船八隻。初四日又有九十餘人分駕大船八隻。初五日有回畢爾那托爾一員帶夷眾二十八人駕大輪船一隻。大船二隻均由黑河口相繼東行。又據烏蘇里口卡官報稱。七月十四日有俄夷二百餘人隨帶子女分駕小船十九隻自下游駛入黑龍江口。向上回行各等情。當飭黑龍江副都統及各委員候曉騎校富來詳查到日。作速轉報。並令三姓副都統飭卡巡防。

殊知知道了。

夾山等又奏俄夷前請借地屯種擬暫允許該夷旋在海蘭泡掘地作房。維時派委佐領巴彥珠爾克等往向開導。

據夷官西勒勝薩虧聲稱。此房為屯糧而設。俟秋後拆去。
該員等告以兩國和好。故我上司從權通融。茲既借地而
人蓋房。豈不有傷和氣。必須拆去。纔是。該夷口操番音。謂
如此辦法。尚何和好之有。與眾俱有愠色。該員等恐啟釁
端。言及下稟上命。各國皆然。該夷官隨稱。各處糧房。本係
暫蓋。迨秋後全行拆毀。即親書蒙古字鈴印。遞與該員等
作據。並向面說。伊等尚須擇地堆薪。求為轉懇。再於霍爾
漢津等處。派人指給等語。該員等呈明。尚未允覆。該夷即
在江岸各處堆薪。至於下駛人船。凡經由黑龍江城者。無
不入黑河口等處。前因來船過多。經副都統等。婉言向止。

其中亦有折回之人。自四月底起。至六月下旬止。除回國
人船不計。及在奇牛山。霍爾托庫。薛爾古。並精奇果附近
之海蘭泡。人胡瑪爾附近之嘎努坎。霍托瑪等處。搭棚看
糧。並留人三百餘名。其由黑龍江城。出黑河口等處。陸續
下駛。共船一百二十餘隻。人一千八百九十餘名。木桿七
十餘串。每至黑龍江城。該夷官報明。該副都統驗放。前者
該夷請地寄糧。恐其隨處漫占。曾令各副都統。飭屬查探。
茲准三姓副都統。轉據烏蘇里口卡官報稱。各處均有夷
人搭棚存糧等情。其下駛何往一節。尚未據報到。

硃批。只得如此辦理。不激不隨。尚屬得體。

九月癸亥。庫倫辦事大臣德勒克多爾濟等奏。茲據恰克圖司員稟報。與俄夷瑪爾商定更改互換大黃年分。將從前立定十年字約之處。改為五年。自五年起。至九年止。共交大黃一十二百五十普。每普折銀十五兩。每年應交大黃二百五十普。於五年內。分為兩次交清。上年販來大黃五百餘普。應於五六兩年補交。其餘三年限內。應交大黃七百五十普。於八年交清。至大黃價值。不得以皮張折交。均用實銀換給。呈報前來。擬即行知。俄夷固畢爾那托爾。兌換大黃。既定新章。不得再有增減。

硃批知道了。

乙丑黑龍江將軍奕山。吉林將軍景瀉。齊齊哈爾副都統
那敷德。奏准三姓副都統。轉據黑河口卡官報稱。七月十
八日。有俄夷九百餘人。隨帶子女。分駕大船三十一隻。小
船一隻。裝載槍礮口糧。自下游駛至卡所。少停即行。二十
日。又有回船三隻。載人二十五名。隨帶鳥槍口糧二十八
日。又有夷官十數員。帶人一百七十餘名。分駕大船一隻。
小船十二隻。亦自下游駛至霍爾托庫地方。埋屍三軀。啟
行。八月初一日。又有一百六十餘人。分駕大船十五隻。小
船一隻。同至霍爾托庫。停歇二日。均由黑河口。向上回行。
等情。當即咨行各處。飭令經由卡所。隨時偵探。

硃批知道了。

丙寅。兩江總督怡良。著江蘇巡撫趙德轍奏。竊照咸豐三年八月初五日。劉逆竊踞上海。所有應徵各國商稅。經前任蘇松太道吳健彰。議令各國領事。從權代為抽收。爾時逆勢披猖。各國商人。攜帶重貨。寄棲於城外洋涇濱一帶。各國領事。代為設法保護。所費不貲。迨官兵雲集。勦辦得手後。貿易照常。於咸豐四年六月十八日。從新設關。照常稽徵。所有自三年八月初五日起。至四年六月十八日止。味喇嚶各商。共未繳稅鈔銀三十五萬四千一百四十九兩八錢三分。當經行文飭追去後。旋據該國前公使味喇

以商情苦累。議繳三分之一。內除失事以前已納稅銀。掣有號收。未及給發紅單銀二萬七千六百七十三兩八錢三分七釐。及乏商短繳。無從著追銀八千餘兩外。實應繳銀八萬一千五百九十二兩。臣怡良與前撫臣吉爾杭阿。以已納稅銀。掣有號收。未給紅單銀二萬七千餘兩。俾吳健彰任內之事。即飭司委員伴送吳健彰。前赴上海。會同接署道員。三面質算。並無錯誤。應准其扣抵。歸於吳健彰交代案內辦理。至該國商情苦累。自應懇

恩酌量調濟。而該國應繳舊稅。僅完三分之一。且將商人短繳銀兩。歸入現繳數內扣除。未免有虧國課。行令蘇松太道。再

行妥議去後。茲據護蘇松太道藍蔚雲詳據該國前後任領事嗎嘑吟囑。呈據該國現任公使怕噶。以商力未逮。請照原議詳奏前來。臣等伏查上海滋事之時。該國商人各自出資保護貨物。以致商力拮据。倖屬實在情形。我

皇上撫馭中外。一視同仁。上海地漕銀兩既奉

加恩分別減免。所有該國未完舊稅。自應推廣

皇仁。一律查辦。合無仰懇

天恩。俯念商情苦累。所有味喇堅國未完舊稅銀三十五萬四千餘兩。除現繳銀八萬一千五百九十二兩。又失事以前已納稅銀未給紅單銀二萬七千六百七十三兩八錢三分

七釐外其餘未繳銀兩概予豁免以示懷柔

硃批依議

諭內閣。怡良。趙德轍奏。請減免味喇壑未繳關稅一摺。上海通商各國應交江海關稅銀。因上年匪徒滋事。貿易未能照常。商情苦累。曾經諭令該督撫酌量蠲減。茲據查明味喇壑國積欠稅鈔銀三十五萬餘兩。該國使臣情願繳銀八萬一千五百餘兩。又從前已納稅銀二萬七千六百餘兩。其未繳銀兩為數尚鉅。惟念該國商力拮据。係屬實情。所有咸豐四年六月十八日以前味喇壑欠交稅鈔銀兩。除業經呈繳外。餘著加恩概行豁免。以示體恤。

丁卯。兩江總督怡良。署江蘇巡撫趙德轍奏。據藍蔚雲稟
報。味夷咱噶。坐該國常用兵船。於七月初一日至上海。十
八日進謁。藍蔚雲並未提及請改定章。及欲赴天津之事。
密加察訪。尚有該國水師提督。另坐輪船一隻。因船身損
壞。在粵修理。至八月十八日。該國水師提督。偕師大郎來
坐火輪船。行抵上海。並密探得。尚有大輪船一隻。隨後即
至。咱噶俟此船一到。即赴天津。該護道藍蔚雲。因前此接
見咱噶時。並無欲赴天津之語。恐其不告而行。適已華蘇
松太道吳健彰。在上海商辦入江助勘輪船。即於八月二
十五日。邀同吳健彰。往晤咱噶。詢其來意。據稱。該國王因

十二年之期已滿。給與國書。須入京面告。

大皇帝。有酌辦事件。在廣東動身時。已照會兩廣葉總督。徑往天津。因風順由福州而至上海。等待修理大輪船。是以稍有耽擱。現在輪船已到。即須北駛。該護道等。告以天津並非通商口岸。前公使味帥等。於咸豐四年。冒昧前往。

大皇帝因爾等跋涉遠行。

欽派大臣與爾等接見。係屬

曲示懷柔。曾與爾等言明。若再至天津。斷不能再遠。

欽派大臣與爾等會晤。兩廣葉總督。係專管五口通商之

欽差大臣。無論何事。應即回粵。呈請聽候查辦。不必徒勞往返。據

稱伊奉該國王之命。務與中國和好。總要彼此有益。路過
暹佛兩國。會其大臣。亦皆如此告知。必得另有

欽差會議。若今仍赴廣東與葉大人會議。則頭可斷而不能前去。
如到天津。不能面見

大皇帝。伊亦無法。只好回來。如不教我上天津。只求兩江督撫代
為奏請

欽差。至江浙地方會議。我即在此等候亦可。蓋薛燾等向其再三
開導。辯論數時。堅執不移。屢稟請示前來。臣等查該夷酋
怕官前來上海已逾一月。絕口不言請改成約。欲赴天津
之事。迨火輪船到後。仍無一言。是明知我必阻其行。竟將

不告而去。迨藍蔚雯等查知。向其查詢。又言詞要挾。居心實屬叵測。若臣等聽之已甚。彼必徑赴天津。不達所欲。則愠羞更怒。恐其別滋事端。臣等現以通商事宜。向係英味。佛三國會同商辦。該酋既稱路過。英味二國會其大臣。皆稱必得另有

欽差會議。現在英味二國公使。皆在廣東。並不同來。而僅止該酋一人。欲上天津。設英味二國在粵。別有成議。則事出兩歧。殊多不便。未敢代為具奏。批飭藍蔚雯等。再行妥為開導。以冀阻其北行。杜其妄念。惟夷情狡譎。設因臣等不准代奏。徑赴天津。亦未可定。

諭軍機大臣等。怡良等奏。味酋欲赴天津。現在設法羈縻一摺。覽所奏情形。該夷狡悖已極。既經藍蔚雲等。諭令回粵。自應力持定見。總以飭回廣東為要。前據華名琛奏。該酋怕嚇。於咸豐四年在粵。與各股匪首密相往來。揚言粵匪必能成事。迨官兵將各匪剿平。該酋自覺無賴。夷商亦為之不齒。此次去而復來。終懷忿忿。欲別出己見。以掩眾人恥笑。是其欲赴天津。實非哄嚇。二國夷酋之意。故該二國夷酋雖有照會廣東之文。一經華名琛阻止。並未駛至上海。況通商以哄夷為首。味佛皆後來推及。不應味酋先出講話。前據王懿德具奏。業經將該夷所遞國書發還。諭令折回廣東。今復至上海。求請欽差至江浙會議等語。

皆係違背從前和約。誤妄已極。該督等業已正言開導。如再曉
曉。祇可置之不理。本日已諭知桂良。如果該夷商抵天津。不必
派大員與之接見。但嚴禁沿海奸民與之私相貿易。並諭知崇
恩。於山東海口一體查禁。使其無利可圖。以杜其北來之念。怡
良等。但當告以通商事宜。非廣東不能奏辦。別省不敢上聞。如
其仍前狡執。必欲駛至天津。亦不必過於阻止。恐該首疑我畏
其北來。益復藉詞扶制。諒怡良等必能體會此意。妥為駕馭也。
此次入奏之事。及將來續有奏報。均不得使該首聞知。一切勸
諭之詞。皆作為該督等自出已意。是為至要。

又

諭怡良等奏。味酋欲赴天津。現在設法羈縻一摺。據稱味喇堅夷
酋伯喈。令師大郎等。先後駛抵上海。經署蘇松太道藍蔚雲。詢
其來意。據云。現因十二年之期屆滿。該國王給與國書。令其入
京呈遞。尚有酌辦事件。欲往天津等語。本日已諭令怡良等。作
為己意。以通商事務。應由廣東查辦。天津非通商海口。該酋等
此次再徑。恐不能如前次之請。派欽差接見。徒勞無益。妥為開
導。惟該夷欲赴天津。藉口要求。實為私銷違禁貨物起見。設蘇
省不能阻止。竟行北駛。著桂良。飭令地方文武。嚴密防範。毋令
沿海居民。及商漁船等。與該夷交接私銷貨物。其有奸民接濟
食物者。一併禁止。如其進口投遞夷書。不必派大員與之接見。

即令曉事員弁。告以此處非通商之地。上年該夷違例前來。已蒙大皇帝格外加恩。派員款待。此次再來。本省總督不敢入奏。亦斷不能再派欽差前來。與爾等講話。爾等有何國書投遞。即照例往請兩廣總督具奏。如此曉諭。觀其如何動靜。密行馳奏。其大沽等海口。應如何預為防備。並著悉心籌辦。亦不得稍涉張皇。至海口員弁。務當早為密諭。如有夷船到口。奸民私與銷貨者。嚴拏治罪。該員弁等。不能先時申誠。查禁不力。即著從嚴參辦。該夷酋等。無利可謀。或可杜其北來之念。事關海防重務。桂良務宜實心籌畫。毋稍疏忽。

人

諭本日據怡良等奏。味夷怕雷前來上海求改條約。欲赴天津一
探。已諭知怡良等。設法妥為開導。並諭知桂良。嚴密防範。如夷
船駛至。不可派大員接見。並嚴禁沿海居民。毋許貿易矣。該夷
居心叵測。言詞既涉要挾。沿海各處。難保不肆行游駛。夷情貪
利。設有奸民與之潛通貿易。該夷必至視為利藪。借端往還。其
患不可勝言。亟宜嚴密查禁。此次夷船。如果不遵怡良等開導。
徑行北駛。經過東境。著崇恩。密飭沿海文武員弁。嚴密防範。禁
止沿海居民。及商漁船隻。不准與夷船交易貨物。使之無利可
圖。自必廢然而返。其有接濟食物者。一併嚴禁。毋稍疏懈。

乙亥。伊犁將軍扎拉芬。奏等。奏六月二十五日。接到俄夷

來文據稱。彼國專派守信官前來伊犁。商議辦理完結等語。旋於七月十七日。該夷守信官皮底波拉呢克皮葉勒密什里斯克依。來到伊犁。當飭委員等。前往訂期會議。該委員等於二十四日。前往夷團會議。告以前次燒搶貨物之金夫等。本國已嚴行治罪。其燒燬及接獲貨物。俱在塔城庫存。該夷官聲稱。此次帳目。我已帶來。可先行查對清楚等語。乃於二十八日。復往會議。該夷官忽稱。須先定賠字。然後對帳。否則徒然費事等語。伏思此案。雖係民回滋事。總由該夷驅逐金夫之所致。經委員等。以民人控稱。該夷殺斃民命。向其折辯。該夷官亦無詞可對。惟云此事須

將來辦理。至燒燬貨物。令其先行領回。該夷云。不能議定。賠償。不能領此貨物。即日久損壞。仍須貴國賠償。夷情反覆。一時難以定議。查前次伊犁議定通商章程內。載俄國所商人在貿易亭居住。所有帶來貨物。係在該商人房內收存。各自小心看管。倘有遺失。立即報知中國官員。將行竊之人。嚴行懲辦。並儘按出原竊贓物給還等語。是通商章程內。即無賠償字樣。當時各存一分原約。永遠進行。今該夷不欲領回貨物。以詢問賠與不賠為詞。經委員等。將前情逐一曉諭。向其開導。該夷置之不理。但云若不議賠。即當咨請回國。俟該夷官如果行咨前來。即將會議言語。

客行彼國。並飭該委員等。如果會議時。仍當平心靜氣。據理剖辯。

諭軍機大臣等。扎拉芬泰奏。俄夷遣官會議。燒夫貨物案內。大概情形一摺。此次該夷官。來至伊犁。不肯領回燒燬貨物。專以議賠為詞。顯與通商章程不合。該將軍等。據理折辯。所辦甚是。民夷互有爭執。必應先論事理曲直。方能平情判斷。今此案起釁。根由既由該夷驅逐金夫。殺斃民命所致。咎由自取。况燒搶貨物之犯。業經嚴拏治罪。兩造已可相安。豈有不論事情。但索賠償之理。著扎拉芬泰等。密加體察。如係匪蘇勒官。從中播弄。即一面咨行該國。西畢爾衙門。詳細告以曲直原委。令其諭知。違

來之夷官。一面向該夷官。明白開導。使不致為浮言所惑。總須
堅持定議。不可允其賠償。即將來為不得已。或有設法貼補該
夷之處。亦不可居賠償之名。致壞成約。其措詞一切務宜平心
靜氣。勿致滋生事端。至該夷官所稱。應賠貨物。已將帳目帶來。
難保非因貨物燒搶無存。任意開報。其詳細數目。實在被燒之
貨。約值若干。總須由塔爾巴哈台就近訪查。該處通商事宜。皆
係已革防禦薩碧屯。已革筆帖式阿綱善經理。其中底細。不得
諉為不知。即該處華商資本力量。亦所深悉。前經諭令明諄責
成該革員等。將此案設法辦理。如俄夷有藉口要求情事。即惟
該二員是問。今俄夷一味索償。該二員豈得置之不問。著明韓

即飭該員等詳細訪查。究竟被燒貨物若干。價值若干。先得一確實數目。方免該夷狡賴。如銀數無多。或令華商分年減半通融貼補若干成。亦須體察該商力量。方能酌辦。並著明諭。安速確查。籌議具奏。此係預防俄夷始終堅執。為不得已之退步。該將軍大臣等。不得遲存遷就之心。總以先論曲直。力申定約為正辦。勿使該夷預知。可以通融。益肆要挾也。

己卯黑龍江將軍奕山。吉林將軍景淳。齊齊哈爾副都統那敦德奏。八月初四日。有俄夷二十人。分駕小船。出黑河口。順流下往。初五日。又有三百八十餘人。分駕中船二十六隻。自下游駛入黑河口。向上回行。人霍爾托庫地方占

居夷人於八月十二日自行焚拆房四所。僅留數人。外有二十六人分駕賊航三面駛入黑河口。同日又有二百九十餘人分駕中船二十五隻自下游駛抵卡所。少停即行。均無滋擾。

硃批知道了。

新解夷務始末卷之十三

籌辦夷務始末卷之十四

咸豐六年丙辰十月己亥伊犁將軍扎拉芬泰等奏現准兵部咨文並陝甘總督將刑部會同理藩院各原奏行知前來內稱夷圍堆積貨物內有夷人住宿非場圍堆積柴草可比將安玉賢擬斬監候徐添荳擬發近邊充軍李春雲等擬杖一百流二千里海生蓮等擬杖一百流二千五百里該將軍因地制宜如各犯有應酌量辦理自行酌辦等語自是部臣不厭詳慎之意查此案民夷交爭國體邊防均須兼顧雖傷斃民命等情訊無確據而出卡寔金屢被該夷告官驅逐民回終所不服其燒圍洩忿一節已按

例將首從各犯治罪。茲據刑部以夷園堆積貨物。內有夷人住宿。且楊春供招。內有夷房燒燬等詞。將安玉賢改依挾仇燒燬房屋例斬候。查俄夷貨園。係該夷自行蓋造。是夜安玉賢等。在草堆燃火。意係故燒夷園貨物洩忿。是以比照挾仇故燒場園例擬流。加等從重擬軍。至風大火猛。延及夷房。查故燒與延燒。治罪不同。律有明文。安玉賢已於流罪上加等。從重擬軍。似亦足示懲。若遽擬以駢首。如使安玉賢。當日起意燒燬夷人居住房屋洩忿。更何所加其罪。又查咸豐元年。該夷使臣來伊。論及殺傷民人一事。堅執不肯擬抵。今安玉賢等。並無殺傷夷人情事。似未便

遽加顯戮。安玉賢既按例擬流加軍。王宗浩等自應照為從減等例擬徒加流。至徐添蓂。這刁挾制。藐玩無忌。是以於誣告人死罪未決擬流加徒例上。從重擬軍。茲據刑部改依放火為從例。從重擬軍。仍照原擬四省烟瘴。惟該犯放火為從。臨時未經同行。其挾嫌妄控。乃係為首。且種種挾制。似應坐以誣告之律。加重治罪。庶足以昭儆戒。又李春雲等。乘時搶奪。並無借名救火供詞。亦無首從可分。是以均按乘火搶奪財物。擬以滿徒。海生蓮等。係兵役。仍加等擬流。若改依借名救火。搶掠財物。照搶奪例加等。分別首從治罪例。將李春雲等。一併擬以流二千里。內海生蓮

等罪再加一等。似與該犯等情節不甚符合。法在必行。而民心尤宜使服。可否仍照前擬。已革章京薩碧忠。筆帖式阿彌善。及都司文哲璽。千總亢清。均擬發往軍台効力贖罪。先由塔爾巴哈台押解赴部轉發。其薩碧忠。阿彌善二員。仍令先將夷房一切設法辦妥。再行奏明。

硃批。均著照該將軍等原奏擬結。該部知道。

丙午。黑龍江將軍奕山。吉林將軍景瀉。齊齊哈爾副都統那敦德奏。准黑龍江副都統。及各委員等。轉據烏魯蘇壯丹卡官報稱。七月十三等日。有俄夷分駕中船小船各一隻。八月初三等日。有夷人分駕中船五隻。小船一隻。十一

等日。又有夷船一百十八隻。十八等日。又有夷船十四隻。又有夷船三十五隻。以上均各載有糧械。自下游徑出烏魯蘇。牡丹卡倫陸續同行。又轉據巡哨各官報稱。俄夷另遣瑪喀爾前來。將海蘭泡看糧夷官換回。當飭烏魯蘇牡丹卡官確查據報。看糧官已帶人分駕船隻。出卡同行等因。現屆冬初。夷船返回殆盡。

硃批。知道了。

十一月癸亥。伊犁將軍扎拉芬奏。參贊大臣謀亨奏。夷使又約委員等。前往續會。仍執賠償之議。並稱乾隆年間。恰克圖通商條約。載有賊人持械越卡。搶奪貨物。除退貨原

駐給還失主外。仍著一倍罰十倍等語。指為此案應賠之
據。委員等喻以此條係指向賊犯罰賠而言。茲則民匪滋
事。釐起挾仇。與此條之事迥異。查伊犁塔爾巴哈台原定
通商章程十七條內載。如有貨物丟失。將賊犯拿獲。儘數
撥出原駐給還等語。茲夷匪被擒。與此條所載事原相類。
而追駐給還。既宜比照十七條辦理。若不交出賬單。憑何
核算。且十七條係彼此公同酌定。今不遵照。乃混引遠年
所定他處條例。殊屬不合。反覆開導。該夷使無可置辯。隨
於八月二十七日。該夷來咨。請給咨文。以為回國之據等
語。再此次來文。猶囁囁及之。若夷使呈出帳單。缺少無幾。

自應相機另籌完結。此次夷使過於狡執。仍令委員等文
道接覆。不失和好之情。該夷使於九月三十日自伊起程
回國。並密飭各邊卡。暗中嚴行防範。以備不虞。至給該夷
使咨文。本擬抄寄一分。知照該國。西錫畢爾衙門。然必須
由伊犁管理貿易之區蘇勒官。用該國字體譯出。恐其捏
造更改情弊。可否由理藩院咨行。

諭軍機大臣等。前因扎拉芬奏。俄夷遣官會議燒失貨物一案。
專以議賠為詞。諭令該將軍等堅持定議。不可允其賠償。致壞
成約。茲據扎拉芬奏。諫亨奏。俄夷使臣回國日期。並派員會議
折辭款待等語。覽奏均悉。此次該夷使仍復意存狡執。一味索

賠該將軍等業已明白開導。正言拒絕。該夷使因索賠不遂。藉端滋事。原未可定。第該國素尚恭順。未必即起釁端。兵孔拉芬泰等仍當善為開導。曉以利害。示以懷柔。毋使決裂。並著密飭各邊卡。暗地設防。處以鎮靜。不得稍涉張皇。方為妥善。至所慮該匪蘇勒官。將咨文捏改等弊。本日已飭理藩院行文該國薩納特衙門。將來文回文。照錄轉行矣。

俄羅斯咨文。

為咨行事。兩國因塔爾巴哈台流民焚搶貨團一案。往返行文。以期妥協辦理。

貴國責成貴將軍。敝國責成本職。各付權柄。在伊犁公同商

議擬結。是以本職一至此處。貴將軍即行委員面議交派之事。以期了結。我等會晤數次。雖各執一辭。若能公同和議。不難歸一。貴委員不以本職之言為是。職看其所說。亦與敝國交派之意相悖。因恐爭執。與事無濟。是以行文貴將軍。將兩國所說言辭。逐句載明。以為憑據。並想得有咨覆。方為妥善。初次會晤時。言及職來此處。即請將塔爾巴哈台焚燒貨園之犯治罪。敝處失公私物件。應

貴國賠還之處。向貴將軍言定。並無別故。貴委員答稱。犯人業經拏訊。按律分別首從擬斬。擬遣。完結等語。

貴國如此辦理。與敝國之意大相符合。職當向貴委員詢以

失去物件。有無賠還。以便開寫失單。二次會晤時。言及貨
圈被搶。所餘貨物帳目。應由

貴國向賊人追出。以便比對存圈物件。即據貴委員答稱。賠
還一語。於會議時。不應談及。似此小錯。即欲賠償。實不合
我兩國百餘年和好之道。且兩國大臣。前在伊犁。議定章
程十七條內。亦無失去物件。應行賠償之語。職詳譯此言。
貴國既不議賠。比對帳目。亦屬無益。敝國第一條。貨圈被焚
貨物等項。或全行遺失。或尚有未能追出之物。

貴國應否賠還。流民災區。雖云違禮妄行。實屬不法。可惡已
極。與貴將軍辦事。應使將來兩國。無此有傷友誼之事。塔

爾巴哈台官員。應保護鄰國之人。既不能保護。除將滋事之人。嚴行治罪外。並將失去物件。悉數賠還。由貴將軍酌核示知。再查兩國定例內載。凡邊界之人。有持械搶奪者。一經拏獲。除將該犯各按定斬。原贓交還失主外。並著一倍罰賠十倍。如當時不能弋獲。地方官予限一月。令其查獲。逾限無獲。所有應賠之項。著於地方官兵名下。一倍罰追十倍等語。我兩國應遵守東邊百餘年相沿之例。至於塔城糾眾焚圍之案。較之約條所載。尤為重大。所有敵國在塔城遺失物件。

貴國應按十倍賠償。惟念兩國百餘年和好。即照失去物件。

原價賠償。且敝國商人在塔爾巴哈台通商。居住貿易。與貴國金夫。毫無干涉。該商人失去物件。若不賠償。與敝國軫念黎元。造培長養之政不符。且於理亦屬不合。天下各國。言語風俗雖殊。義理一也。是以敝國薩納特衙門。三次行文。

貴國理藩院。均請將焚搶貨園之犯。務須治罪。失去物件。悉數賠還。並無不講義理之處。仍請飭令貴將軍。會同本職。擬結在案。職詳聞。

貴國理藩院。咨薩納特衙門之文。稱。已飭伊犁將軍。於辦理此事。按照義理等語。貴委員聲稱。薩納特衙門。所說各條。

業已詳申。將軍並無交派。其應否賠還一語。礙難答覆。況
上司亦未奉有劄文等語。因思如何答覆。貴將軍有此責
任。第二條。本職問及敵國貨物。比對帳目。如有闕少。

貴國理應賠還。儻追存貨物。設有損壞。應賠償否。貴委員直
答以損壞貨物。不能賠償。職與該委員再三辯論。並咨呈
貴將軍。敵國以和好二百年來。現在不欲

貴國為難。所存貨物。毋論與否。先將失去貨物賠償。以便領
取。惟損壞物件。必應減價。始可售賣。況有損壞。又非敵國
商人所致。如或領回。必致受傷。亦飭毋庸領取矣。所壞物
件。亦應

貴國照數賠還。第三條。本職問及貨物之關欠損壞。

貴國既許賠償。以何物補給。如何酌定價值。應先行商定。以上三條。貴將軍如肯辦理。職即將失去物件覈定。以便比對帳目。貴委員亦說出三條。第一條。辦理塔城之案。應先講來由。何則。它金流民。經驅逐後。始與俄人挾仇滋事。職思它金一案。與兩下現辦之事懸殊。它金係邊界之事。伊犁營務處。接到敵國西錫畢爾咨文。當即於阿爾噶依圖等處。將金夫撤回。業經咨覆。並稱轉飭塔爾巴哈台大馬差委官兵。前往驅逐。非止一次。是事已了局。此時即不得復行提及。即或塔城金夫。挾仇滋事。屬實。敵國商人。居住

伊塔兩處。因係兩國和好。敵國並未派兵保護。企望

貴國照看。乃塔城流民惡意。一月之前。已經顯露。塔爾巴哈台大臣。應預為保護。不意於該犯乘夜焚圍時。緊閉城門。並不派兵救護。三日後始行派員收存遺貨。似此情玩。又不撲救火焰。以致貨物損失。其過不可謂之小也。第二條。該委員談及。欲知失貨數目。應先覈對帳目。俟查知缺數。再向該犯追出等語。職思自焚貨圍以來。已閱年餘。現欲查追。惟時已遲。即或追索。該犯半係貧民。雖查出搶奪。亦難向其追討。職特來此處。與貴將軍商議。敵國失去物件。應行賠還。敝國商人。幾時領取貨物。若待追出。始行交付。

實屬不合義理。且被燒房間。失去貨物。欲向犯人追索。毫無所得。詢及賠否。該委員置不答覆。論辯再三。始據貴委員聲稱。比對帳目。即知失去總數。一面商議賠還。貴將軍確知欠貨數目。一面將存貨。令本職帶回。並將應賠之處。奏聞。

大皇帝等語。因思敵國薩納特衙門。與

貴國理藩院。往來行文。貴將軍與本職均係奉

旨同在伊犁商辦塔城案件之員。應即早擬結。豈可延緩。貴將軍於敵國失去物件。若不議賠。本職即不能將飭交之件。按照和好擬結。且在伊犁時。貴委員言及貴處。應遵

旨將追出收存貨物轉交本職等語。當以給還貨物一節。並未奉有剴交。若貴處將損壞缺少物件賠還。不致令敵國商人受傷。俟賠還時。同赴塔城祇領。必應由西錫畢爾營務處專員接收。謹開清單。知照貴將軍。伏乞貴將軍詳核本職所說各條。如有斥駁。即將斥駁之故。詳細載明。備文咨覆。職接奉回文。即行回國。為此咨行。

給俄囉斯咨文。

為咨覆事。前於七月十七日。貴守信官來伊時。當即派委本處官員。會同貴守信官。將匪蘇勒官。欲遣人驅逐塔城。完金民人。並因傷人命。以致挾仇糾眾。焚燒貨園緣由。詳

細商議。據貴守信官聲稱。塔城游民。焚圍搶貨。總因塔城
官員。未能保護所致。是以必須賠還貨物等語。該委員答
稱。此案事起倉卒。因夜半風狂。一時未能撲滅。而塔城委
員。旋將貨物代為收拾。並將滋事之乞金民人查拏。勒追
原贓。並將該犯等。照例治罪。現將搜出追出貨物收存塔
城。不可謂並未保護貴國商人。惟此案理應將滋事緣由。
兩下是非。及傷斃我國乞金人夫。被其控告。均以匪蘇勒
官主使殺斃。背去屍具等情。逐一訊明。以安人心。不可先
提賠還一事。且原立十七條內。並無代賠貨物之說。僅有
商人被竊。本處代為查拏。追出原物。悉數還給等語。現將

塔城之事。因匪蘇勒官驅逐金民人。傷斃人命。以致懷恨滋事。雖釐起快仇。惟僅止失去物件。即應遵照原定章程。追出原贓。悉數還給等語。告知守信官。復據聲稱。賠還一事。本薩納特衙門。咨行理藩院文內。業經聲明。不能照十七條辦理。並稱。恰克圖通商條例內。載遇有持械搶奪案犯。除拿獲時。各按定例新決。物件交還失主外。並罰賠十倍。如犯無一獲。地方官予限一月查拿。限滿無獲。著落地方官兵。罰賠十倍等語。即據本處委員答稱。雖咨理藩院文內有賠還之語。該院並未應許。傷斃金夫一案。彼時該金夫等。亦經報明。正在備文知照間。即有焚搶貨園之

事。是以未及咨行。斷非置民命於不問。至照恰克圖通商
辦理之說。本國會議時。東西疆界情形不同。始行議定章
程十七條。互相遵辦。今若不照十七條辦理。似與定制不
符。況恰克圖章程。原指越卡持械搶奪。與此案不同。即罰
賠十倍之議。亦指搶劫之犯而言。並無代賠之例。至今卡
倫官兵罰賠十倍。原因逾限。犯無弋獲。是以將章京兵丁
等。重懲示警。今塔城之事。已將各犯拏獲。照例擬罪。並將
原贓悉數撥出。即照恰克圖章程。亦無責令官兵賠還之
例。是伊塔通商章程。亦未按照恰克圖有罰賠之議。且匪
蘇勒官。欲驅逐金夫。又傷斃多命。是以該犯挾仇。欲圖洩

忿以致焚燒貨園。情理顯然。先應查辦起釐緣由。貴守信
官答稱。先將此節置議。應將事件次第經理。敝國業將遺
失貨物帳目攜來。互相覈對。有無短缺。俟查知缺數再議。
並令本處委員將貨物譯出名目。以便覈對。本處委員深
以為是。即派委員前往。乃守信官僅將物件漢名譯出數
件。迨委員到彼會議時。忽改前言。仍欲先議賠還一事。且
稱覈對帳目。如有缺少。仍不賠還。白費精神。與事無濟等
語。本處委員答稱。前既言定覈對帳目。今若改悔。豈非失
信。況不覈對帳目。其短少何由而知。匡蘇勒官堅執已見。
說出三條。第一條。商人遺失貨物。全行賠還與否。第二條。

追出商貨。並塔城所存物件。如何作價等語。本處委員答
以此事。先將起事緣由。及兩下是非。並傷斃金夫等項。逐
一查明。應將緣由澈底告知。此案實因匡蘇勒官所起。何
則。金之雅爾噶圖地方。本係我國地方。前經咨明有案。
此處距貴國甚遠。兩下人民。易於滋事。且因金苗不旺。已
將金民人撤回。即或偶有偷往者。亦應行文本處。以便
撤回。匡蘇勒官。係管理貿易之員。不得干預其事。乃伊於
金夫。金。不惟申報驅逐。又復親往差人驅逐。傷斃多人。
該金夫。以為必係匡蘇勒官主使。是以怨恨滋事。竄其原
由。總因匡蘇勒官所起。反覆辨論。匡蘇勒官不以為然。惟

稱此次前來。特為辦理賠還一事。其餘將來另辦。是以兩
下未能定局。次日本處委員復往。而該匡蘇勒官仍執前
說。本處委員復告以現將查出貨物。均存塔城庫內。先應
攜回。若不攜回。偶被蟲傷。殊為可惜。守信官又言現在斷
不能將此等物件攜回。日後即有損壞。與我等無干。亦應
貴國賠還。如今不能將賠還一事。先為議定。職亦不能久
駐。明日備文。知照貴將軍。即可旋回等語。本將軍參贊等
將本處委員與匡蘇勒官問答話語。逐一登記。今於八月
二十七日。接到來文一件。詳加披閱。此內有與逐日記載
不符之處。即如覈對帳目一語。本係貴守信官先說。今來

咨內以本處委員先欲覈對帳目。再本處委員僅告以先將貨物攜回。並未應許賠還。而此次文內似稱本處委員將賠還之處。亦可奏聞。

大皇帝。似此均與本處委員所說不符。又稱詢及賠否。本處委員置不答覆等語。惟本處委員於例不應賠之處。前已言及。並有。

大皇帝諭旨。本將軍參贊等交派。是以不敢許償。因恐爭競有傷和好。實非置不答覆。貴守信官又稱。匪徒惡意。一月之前。已就顯然。塔城於失火時。不開城門。亦不派兵救護。三日後始行委員查辦等語。查上年七月。接聞臣蘇勤官咨稱。

始知塔城金夫。前雖糾邀多人。欲圖滋鬧。已經鄉民勸散。此次金夫仍懷舊恨。復圖滋事。塔城官員不為預籌。迨事起時。即或不開城門。是夜火勢兇猛。豈能不防另生枝節。再查塔爾巴哈台參贊大臣。於火起時。即蒞委都司溫哲。彈等。派出帶兵救護。因風狂火大。燒盡房間。未能撲滅。塔城游民。乘勢搶去物件。塔城官員。立即代為查拏。收拾失去物件。又於民間檢出若干。實非三日始行查辦。迨伊犁委員查辦此案。又復檢出物件若干。於兩國和好之道。亦可謂之盡矣。乃匡蘇勒官。不候本處官兵。協同救護。亦不報明將軍參贊。率行回國。並將商人攜帶出卡。匡蘇勒官

管理貿易是其專責。前次肇釁。置若罔聞。即如本處官員。本無承管兩國物件之責。兩國官員。又未囑令照看。特因和好。代爾追尋貨物。竭力查辦。況通商一事。本因貴國使民裕國而立。我國毫無益處。因念兩國和好。始准通商。目下之事。又係貴國起釁。我國官員。不惟出力代為保護。又於事後。將辦理不善。救火不力。各局一併革職。加重問擬。發往軍台効力。今貴國守信官。轉委過於本國委員。豈貴國官員。毫無愆尤耶。又稱本國商人。僅止居住貨園。與金夫毫無關係等語。頗為近禮。本將軍參贊。亦甚佩服。果貴國商人。僅止居住貨園。臣蘇勒官。不干預金夫完金之事。

親往差人驅逐。傷斃人命。又何能無故滋事哉。又稱天下各國語言風俗雖殊。而義禮則一。此言頗好。義禮係應為之事。既言義禮。應遵義禮而行。此案不惟義禮上不應賠還。即使應賠。亦須先將帳目覈對。再為定議。况義禮上不應賠還。今貴守信官。竟不比對帳目。一味令賠。尤似不合義禮。要之此案。應將起事原由。兩下是非。並傷斃金夫數名等情。先行訊明。折服兩造之心。方昭公允。儻仍照守信官之意。並不計及起事根由。及兩造是非。傷斃金夫數名等事。惟令賠還。此即輕人命而重貨物也。實非兩國撫馭萬民之道。今接來咨。敬具覆文。為此咨行。

為咨行事。昨據伊犁將軍參贊大臣等將咨行薩納特衙門文底一件。及貴國咨行伊犁將軍清字文書一件。一併抄錄咨送前來。相應由本院轉行薩納特衙門查辦。為此知照。

辛未。

諭軍機大臣等。葉名琛奏九月中。因水師兵勇。在划艇內擊獲盜匪李明太等。喫夷領事官吧嘎噠藉端起釁。輒敢駛入省河。將獵德礮臺肆擾。又在大黃滸礮臺開放空礮。自九月二十九日。至十月初一日。攻擊城垣。縱火將靖海門五仙門附近民房盡行焚燒。初一日。又糾約二三百人扒城。經參將凌芳與紳士歐

陽泉等迎擊跌斃。初九日。該夷由十三行河面駛至。直撲東定
臺。經兵勇轟壞兵船。並斃其水師大兵頭。哂嗎。喇。喀。噶。夷匪傷
亡四百餘名。現在該督等已守舊城。調集水陸兵勇二萬餘名。
足敷堵剿。紳民等同矢義憤。即咪。啡。兩表。及西洋諸國。俱知該
夷無理。未必相助。其勢尚孤。葉名琛熟悉夷情。必有駕馭之法。
著即相機妥辦。至夷首懷恨。藉口從前不使入城。而上年嘆夷
在上海。又稱廣東總督拒絕不見。口出怨言。處處要挾。思欲逞
其謀利之圖。逆心叵測。此次已開兵釁。不勝固屬可憂。亦傷國
體。勝則該夷必來報復。或先駛往各口訴冤。皆係逆夷慣技。當
此中原未靖。豈可沿海再起風波。寬猛兩難之間。葉名琛久任

海疆諒能操縱得宜。稍釋朕之憤懣。儻該酋因連敗之後。自知悔禍。來求息事。該督自可設法駕馭。以泯爭端。如其仍肆鴟張。亦不可遷就議和。致起要求之患。

又

諭。葉名琛奏。喚夷藉端起釁。我軍兩戰獲勝一摺。九月間。廣東水師兵勇。因查拏划艇盜匪。喚國夷首吧嘰。欲藉此為詞。復作進城之想。竟敢放礮攻擊城垣。焚燒鋪戶。十月初一初九等日。我兵接戰。兩獲勝仗。夷匪傷亡四百餘名。並將該夷水師大兵頭殲斃。粵省紳團。同深義憤。夷膽已寒。所謂水陸兵勇。業有二萬餘名。該夷縱極狡橫。經此挫敗。諒不敢再肆猖獗。且味喇喀

佛蘭西及西洋各國均知此事起釁。曲在倭夷。未肯相助。其勢亦孤。當可悔禍罷兵。本日已諭葉名琛。如果倭夷自為轉圜。不必疾之已甚。僕仍頑梗如故。勢難遽就議和。復起要求之漸。葉名琛久任粵疆。夷情素所諳熟。諒必能酌度辦理。因思江蘇浙江福建沿海地方。向為該夷火輪船熟習之路。僕該夷不得逞志於粵東。復向各海口滋擾。亦當豫為之防。著怡良趙德轅王懿德何桂清密飭所屬地方官吏。如遇夷船駛至。不動聲色。妥為防範。或來訴粵東構釁情事。亦著據理折服。俾知無隙可乘。廢然思返。仍不可稍涉張皇。以致民心惶惑。

壬申京畿道御史韓錦雲奏竊倭夷自道光二十一年犯

順以來。最為猖獗。其莫可如何者。惟廣東一省。緣廣東民情。鞏固。習見暎夷伎倆。且各國夷人貿易。俱以廣東為最便。暎夷一蠢動。則商賈不通。各夷人必從中撓止。故道光二十九年。暎夷欲申入城之議。卒不敢逞。如果督臣撫馭有方。則可永保無事。臣現接廣東省城及香港來信云。九月二十三日。暎夷貨船內。有賊三名。官兵購線。俟至內河。連水手漢人共十二名。一併拏獲。暎夷因制軍不早為通知。極為不平。投文七次。向制軍索人。制軍不收其文書。旋將所拏十二名送回該夷處。該夷說此人內有假的。要制軍見面。分辨是非。制軍置之不理。亦未先為防備。該夷水

師提督於二十五日。乘戰船三隻。突入內河。將獵德。龜活。及鳳凰岡。東安。西固。海珠等處礮臺。盡行占踞。豎立紅毛旗號。二十七日。各街派丁巡緝。被喚夷鎗斃二命。因此人心忿怒。欲放火盡燒十三行。制軍飭令禁止。二十九日。夷兵在城外放礮。轟入靖海門內。礮火延燒鋪戶數十間。三十日。夷兵扒入外城。搶至制軍衙門後街。被壯勇殺退。十月初二日。攻破外城。將制軍衙門燒燬。制軍走入內城。著紳士伍崇曜。蘇廷魁等。出城向喚夷領事講和。該夷仍連日放礮攻城。船隻均不能出入等語。臣竊維此次制軍派兵到夷船拏賊。因未通知。致該夷有所藉口。如果一面嚴

飭沿江兵船防守礮臺。亦不致變起倉卒。為今日計。江湖各省尚未安靜。且甯波上海港口。均已通商。豈可再開邊釁。惟夷性叵測。德所不能化者。即當以威懾之。彼句匪藏奸。肆入內地。傷兵勇。焚礮臺。燬衙署。且煽惑人心。謂與官爭。不與民敵。欲恐嚇督臣。用賄行和。督臣必彈壓百姓。俯首聽從。彼遂為所欲為。技止此耳。臣接廣東來信云。嘆夷實無能為。即攻破省城。亦不能守。惟各官畏之如虎。現南海大滘九十六鄉紳董練勇萬餘名。自備糧械。聲言於十月中旬。與嘆夷決勝負。受夷人僱雇亦十回八九。參將衛佐邦同知林福盛。均已帶兵到省。自十月初十以後。未知

情形如何。惟人切同仇。嘆夷必當膽落。萬一嘆夷悔過。再
約和議。即當明立章程。今從前洋行商人。洞悉夷情者。妥
協辦理。斷不可失體損威。致餒民氣。如仍舊猖獗。即當聲
治其罪。彼船隻堅固。長於水戰。乘其上岸。以我之百。攻彼
之一。勢無不勝。

丁丑。庫倫辦事大臣德勒克多爾濟等奏。越邊俄夷已畢
勒等。雖據該夷文稱。業經擊獲。解送恰克圖。至今尚未解
到。擬即咨催。固畢爾那托爾。查明該犯等。因何尚未解到。
迅速咨覆。以免遲誤。

硃批著照所擬辦理。

俄囉斯咨文。

為咨行事。昨奉敵國君旨。令駐京達喇嘛巴拉第等回國。所遺之缺。按照兩國互定和約。改派喇嘛學生前往相應。懇祈轉奏。

貴國

大皇帝。所有敵國換班喇嘛。仍照從前辦理。敵國另派喇嘛學生共十名。於明年始赴

貴都。伊等到邊界時。將何日起身進京。以及伊等姓名。另派委何官護送之處。由額爾口城固畢爾那托爾。先期知照。貴國庫倫辦事大臣。以便到邊界時。

貴國派出之員。赴彼照料。惟願按照從前兩國友誼。仍令前往。旋回兩班學生。由前次換班經過之路行走。毫無耽壓。幫同照料。為此咨行。

給俄囉斯咨文。

為咨行事。查從前爾國屬人已畢勒。央求我國阿勒坦諾爾烏梁海人杜蘭。赴科布多所屬之濟達爾卡倫溫泉治病。已畢勒帶同杜蘭到卡。給卡兵溫杜爾羅多依等。繼繼一足。懇祈帶赴溫泉。兵丁等未接繼繼。不敢帶往。已畢勒生氣。將從前給與海杜布馬一匹。及溫杜爾羅多依馬一匹。一併奪去。次日復將溫杜爾羅多依。借來杜噶爾。

之馬奪去。此案即應在邊界地方。兩國會同審明懲辦。於
咸豐三年九月咨明在案。本年十一月。據爾咨稱此案已
畢勒等。已經拏獲。飭屬解赴恰克圖等語。當令將幾時可
以抵恰。務須先期知照之處。咨行亦在案。今查爾國畢爾
那托爾於三年之久。並未咨覆。兩國會審之案。何以稽延
未覆。以致本處無憑查辦。相應咨催爾國畢爾那托爾。所
有關繫此案之已畢勒等。現在曾否解恰。如未解到。即將
並未解到之處查明。務將已畢勒等。照前咨提解恰克圖
邊界。其幾時可以抵恰之處。先期知照。以便咨提科布多
全案人證。臨期無誤。經此次咨明之後。斷不可仍前遲延。

為此咨行。

硃批覽。

辛巳兩江總督怡良署江蘇巡撫趙德轍奏。竊臣等於十月中旬。即聞廣東省城夷人滋事。疊次諄飭護理蘇松太道藍蔚雲密探確實情形。馳稟去後。茲據具稟。十一月初一日。接據啖咭喇領事羅伯遜照會。並將探報一併錄送前來。臣等覆加參覈。啖咭喇均有占踞礮臺之事。

欽差大臣葉名琛。辦理夷務一切情形。自必詳細奏聞。至探報情詞。不能盡一。惟夷性犬羊。該領事居然自出照會。其情已屬巨測。而照會以

欽差大臣葉名琛辦理不善。若不去位。恐百姓尚多困苦。為詞尤屬意圖要挾。欲操

天朝點步之柄。謬妄已極。至味首哨嗎。本有明春北上之說。恐在粵受創以後。其行未能中止。

諭軍機大臣等。噶夷在廣東滋事。前經葉名琛奏到。已諭知沿海各督撫。密為防範。並恐其赴各海口。申訴廣東構釁情事。亦諭令據理折服。茲據怡良。趙德輿奏。噶夷領事赴蘇松太道投遞照會。仍係從前故智。既不可示以怯弱。長其驕志。亦不可絕之已甚。致激事端。夷人惟利是圖。重在貿易。怡良熟悉夷情。當飭該道等。諭以從前萬年和約。原為永息爭端。今忽以細故稱兵。

一經入奏。必致查辦。無論曲在何人。所有通商各口。不得不暫停貿易。恐於爾等未便。是以未敢入奏。至該夷與上海並無嫌怨。仍宜安靜通商。方為正理。如此明白曉諭。或可杜其曉漬。干求。至葉名琛辦理夷務已久。於一切駕馭之方。當不至毫無把握。該夷若悔禍求和。諒必仍事羈縻。不使決裂。但不可先行違拗。致啟要求。前據葉名琛奏。咪喇各夷。均知該夷理曲。不肯相助。茲怡良等奏。探報內有咪咪二夷。均踞礮臺之語。恐即咪夷造言聳聽。冀飾其獨啟釁端之罪。該督等勿為所惑。

十二月甲申。塔爾巴哈台參贊大臣明誼等奏。准伊犁將軍扎拉芬泰來咨。內稱。俄囉斯使臣到伊會商。隱帳圖賴。

索賠不遂。隱忍回國。須豫籌防範等因。前來。查塔垣換防。滿漢各營兵丁。除台卡屯工當差。現在存城兵五百名。時值農隙。屯工可暫撤四百餘名。已嚴飭該管營員認真訓練。其察哈爾額魯特蒙古兵丁。亦密飭該總管各員。於本地游牧認真訓練。復密函商伊犁將軍。不動聲色預挑精兵五百名。聽候調援。一面咨調伊犁。派與該夷折辦之協領哈布齊賢圖們泰來塔。再革員薩碧屯。阿彌善。係事前經理通商之人。經伊犁調往。歸案審訊。已飛催該革員等兼站前來。督飭辦理。並擬令趕緊賠修夷園。

諭軍機大臣等。明誼等奏豫防俄夷索賠一摺。前據扎拉芬泰等

奏俄夷使臣回國日期。並派員會議等情。當諭令善為開導。毋使決裂。並暗地設防。茲據明誼等奏稱。該夷在塔爾巴哈台通商已二年之久。地理情形。皆所深悉。不得不豫為防範。業已訓練兵丁。以備不虞。並由伊犁挑選精壯五百名。聽候調撥。均照所議辦理。至該夷意在索賠。一時未必顯形背叛。斷不可先肇兵釁。致彼有詞。該大臣等所見甚是。即著咨調協領哈布齊賢圖們泰。再與講理。使之折服。一面飭令革員薩碧屯等。辦理賠修夷園。以示羈縻。而消後患。

乙亥伊犁將軍扎拉芬泰奏。接奉寄

諭。扎拉芬泰奏伊犁地方出產茶觔。商民人等採取售賣。擬酌徵

稅一摺等因。欽此。伊犁地方遼闊。此種茶勛。產自山溝。商民採取。實自近年始行。查出竊慮邊陲之地。界連外夷。或有匪徒私越。勾串等弊。今奉

聖明指示。民間貿易。多與外夷交涉。或因徵稅。另滋流弊。有礙夷情。誠不可不防其漸。當即留心體察。並遴妥員。試行籌辦。去後。茲據稟稱。伊犁商民。於附近採造。尚不甚費工本。雖製造成色不等。均堪飲用。茲據按成征收茶勛。一經報稅。即係官茶。商人既樂於費少。小民亦樂於價廉。察之輿情。無不同聲稱便。且此種茶勛。係於本處製茶商民。按成征收。並非向外來售茶之人。按價抽分。尚不致與外夷交涉。

委無窒礙難行。計自七月試行之日起。至十一月截止。共
征茶一萬七千一百五十觔。稟請驗收。才查數無異。因思
伊犁各營官兵。歲需甘省撥解茶觔。為數甚鉅。即滿營開
茶一項。每年不下二萬數千餘觔。查搭放茶觔。例價每觔
合銀一錢六分三釐二毫。以本年所抽茶觔。按照例價計
之。共合銀二千七百九十八兩八錢八分。以之搭放俸餉。
於官兵經費。不無少裨。

硃批。該部議奏。單片併發。

○伊犁向無富商大賈。係本處商民。湊合資本。採取製造。
難照內地招商領引課稅之法辦理。今擬因地制宜。僅按

成抽征茶觔。即在才街署之旁。設立稅局。遴委委員。常川經理。令商民隨時赴局。報明茶觔數目。其成色約分上中下三等。本年試行十分抽二。體察情形。商販利薄。應請自咸豐七年為始。每茶十分抽茶一分半。以期立法簡便。不致擾累商民。

○設立木戳一顆。上刻官茶圖記四字。印於茶票之上。并於票內編列號頭。發給報稅商民。以憑查驗。

○茶票內兼寫滿漢字體。刻板印刷。其字樣係為茶票事。照得伊犁近產茶觔。業經奏明按成抽稅在案。合行給發茶票。以杜偷漏假冒之弊。嗣後販茶商民。憑此查驗。其無

印票者以私茶論。儻敢偽造。嚴拏從重治罪。須至茶票者。合併聲明。

○商民報稅畢。給予印票。黏貼茶封。任其展轉販賣。其貿易價值。隨時長落。不准吏胥干預。以杜煩擾。

○商民赴局報稅。嚴禁吏胥從中影射舞弊。並將用印茶票式樣。通行各台卡。及烏魯木齊一帶。所在官司。驗有印票。即係官茶。立刻放行無阻。違者各治以應得之罪。

○嚴禁私茶。犯者論與私鹽同罪。如有奸商偷漏報稅。私攜未用官茶圖記印票茶封。販運圖利者。拏獲按例治罪。○商民人等。入山採茶。於各該處揀派誠實鄉約一二人。

就近管束。毋許滋生事端。並不時輪派稅局各員。親赴各該處巡查。以資彈壓。而免偷漏。

○此種茶勛。夏月始能入山採取。一交冬令。大雪封山。即行停止。擬每年冬季。將所抽茶勛數目。豫行咨明陝甘督臣。於次年應解伊犁歲需茶勛額內。如數撥除。以省長途解運之費。如奉

旨准行。所有本年征收稅茶一萬七千一百五十勛。應請抵作伊犁歲需茶勛。歸入咸豐七年搭放官兵茶勛報銷項內。分晰造冊咨部覈銷。由督即行咨明陝甘督臣。照數扣解。以昭覈實。

硃批覽。

身家要略始末卷之十四